

兩浙名賢錄

兩浙名賢錄卷四十四目次

高隱

春秋

披裘翁

漢

張齊芳

張儼

陸文該瑋

三國吳

中散大夫嵇叔夜康

姚仲翁

謝慶緒數

夏仲御統

虞仲寧喜

張文君

孔德度沉

韓典齊績

張偉康茂

宋齊梁陳

樓知遠惠明

戴仲若顯

兄發附

徐文楚伯珍

朱百年

妻孔氏附

褚元臻伯玉

孔祐

子道徽孫德附

杜景齊京產

沈處默頭

盛紹遠

沈敬

唐

張子同志和

陸魯望龜家

秦公緒系

羅萬象

五代

文通先生宋第

嚴永

宋

趙仲困宗萬

周侃

和靖先生林君復通

兄子
宥附

卧雲先生管師復

弟師
常附

慎東美伯筠

賈耘老收

白雲先生周翊臣沂

大隱先生楊韓道適

鄞江先生王君一致

竹隱老人潘亨甫祖仁

王應求說

子所孫勳玄
孫正已附

檜隱士趙十朋占龜

朱文昭繡

俞秀老紫芝

弟潛
附

史升之詔

茗溪漁隱胡子

采合甫聲

四明居士朱元翰

靜翁陳孟容鷗

周彥通

石室先生陸永仲維之 許梅屋棊

朱子益有聞

葆真子黃敦政瓊

弟輔附

泊宅翁方仁聲勺

薛寧仲高

從孫
甥附

花翁孫惟信

姚君愈獻可

兌光居士林崧孫

休休翁石成巳余亨

孝隱先生樓文舉斗南

許少明景亮

蔣季莊璿

題峯先生徐立之

雪溪先生常宜卿詵孫

南窓先生劉準

子汝
舟附

高節先生嚴君友侶

劉良佐應時

錢深雲墳

山南先生劉元益應龜

常召仲宗

弟棟附

元

李至隱寓

梅江徐天錫禹圭

弟禹崎附

王宗孚孚

弟宗尹附

王居正子中

碧厓先生吳一飛雄

唐仲暹先祖

蓬廬處士史楫叟公珽

董仲貞鎮

莘疇居士張煥

應子孚恂

葉本山林

謝彥實暉

耕雲處士周天常與昂 貞白先生吾子行衍

鄭處和昂 文行先生聖牧心牧

陳允文 何介夫景福

李寧之康 葉拙修孟傳

陳象賢子聲 黃伯成珍

大癡道人黃子久公望 董靖傳嗣杲

句曲外史張伯雨天雨 陳時敏

陳渭叟 梅花道人吳仲圭鎮

貞白道人朱景仁 沈元吉貞

雲林生崔彥輝

韓進之循仁

樛散生李孟言詞

居林子金建

顯公鄭君作天祐

章德一

子橫
附

鄭彥淵謚

明

陳子才

施德華

呂宗學九成

薛原禮敬

汪師道與立

胡仲厚敦

夏義甫

楊大本立

少嶺山人陳德詢

董宗楚荆

紫芝老人俞子中和

竹溪逸民陳潤

歸全先生何德齡壽朋

烏性善本良

孫蔗田

包太
白附

王復初紹原

澹園生潘時雍

趙廷堅檜

香雪坡老人王用賢毓

文莊先生胡希華榮

王志道達

陳光大煒

陳孟熙雍

舞壁夏
談附

迂叟金宗實華

胡寶之堪壁

南園居士沈昌甫啓隆

向永修道津

懶仙買必勝愚

周益褒陸

章克平總

漢雲先生錢珏

朱從儒

吳琬

胡用良禎

袁良貴仁

岑子英俊

許半圭璋

寒溪子方元素太古

峽巖道人王貞翁壁

女藥屏附

王時用河

李文正端

舞劍義附

王本澄渣

楊汝鳴珂

李用聯元耶那汝宜聯生

兩浙名賢錄卷之四十四

東海徐象梅仲和氏撰

富湖陸澄原嗣瑞氏閱

高隱

春秋 凡一人

披裘翁

披裘翁不知何許人亦不詳其姓氏寒暑所服惟一裘
因呼披裘翁隱於天目山嘗出採薪遇延陵季子見道
傍遺金季子命翁取之翁投籙於地與目而言曰何子

居之高視之下。儀貌之莊。語言之儷也。五月被裘而負薪。豈取金者哉。季子謝之。問其姓名。不對而去。

漢 共三人

張齊芳

張齊芳。驛騎將軍意之子。歷官中書郎。無心用世。隱句章之靈山。採山釣水。以自適。人皆賢之。遂以其父之官名其山曰驛騎立祠祀焉。

張儼

張儼。餘杭人。好學。有賢德。不樂榮利。開圃種瓢。以所賣

錢造橋俗謂之葫蘆橋

陸文該瑋

陸瑋字文該錢塘人漢季時艱納祿歸隱於靈鷲山蓮花峯下

三國 共二人

中散大夫嵇叔夜康

嵇康字叔夜上虞人康早孤有奇才遠邁不羣而土木形骸不事藻飾博覽無不該通拜中散大夫常修養性服食之事乃著養生論所與莫逆者惟陳留阮籍河內

山濤預其流者。何秀、劉伶、籍、子咸、王戎，遂爲竹林之游。世所謂竹林七賢也。康嘗採藥遊山澤，會其得意，忽焉忘返。至汲郡山中，見孫登，遂從之遊。登沉默自守，叩之不言。康臨去，登始曰：君性烈而才儻，其能免乎？山濤將去，選部舉康自代。康乃與濤書告絕。康性絕巧而好鍛，居貧嘗與何秀共鍛於大樹之下，以自給。潁川鍾會貴公子也，精練有才辯，慕康造焉。康不爲禮而鍛，不輟良久會去，以此恨之。及是言於文帝曰：嵇康，卧龍也，公無憂天下，顧以康爲慮耳。因譖康欲助母丘儉，帝遂害

之康將刑東市，太學生三千人請以爲師，弗許。康顧視日影，素乘犢之曰：昔袁孝尼嘗從吾學，廣陵散，吾每靳固之。廣陵散於今絕矣。時年四十，海內之士莫不痛之。帝尋悟而恨焉。康善談理，又能屬文，撰上古以來高士爲之傳贊，又作太師箴一篇。

姚仲翁

姚仲翁，吳興人。天性儉素，種瓜灌園以供衣食。鄉人尊之，稱爲長者。或有饋遺，一無所受。不得已而受者，卽惠貧乏。未嘗以一介自污。瓶粟屢空，澹如也。

晉 共七人

謝慶緒敷

謝敷字慶緒，會稽人。性澄靜寡欲，入太平山十餘年，辟命皆不就。初月犯少微，少微一名處士星，占者以隱士當之。時譙國戴逵有美才，人或憂之，俄而敷死。會稽人士嘲逵云：吳中高士求死不得。

夏仲御統

夏統字仲御，會稽人。幼孤貧，養親以孝聞。宗族勸之仕，統勃然作色曰：諸君待我乃至此乎！自此不與宗族相

見後母病篤乃詣洛市藥會三月上巳洛中王公以下
並至浮橋統時在船中曝所市藥諸貴人車乘來者如
雲統並不之顧太尉賈克惟而問之統徐答曰會稽夏
仲御也克使問其土風統曰其人循循猶有大禹之遺
風太伯之義讓嚴遵之抗志黃公之高節克甚異之更
就船與語其應如響欲使之仕卽俛而不答克又謂曰
卿能作卿土地間曲乎統曰先夏禹建會稽山朝會萬
國聖化猶存百姓感詠遂作慕歌又孝女曹娥其父墮
江不得見娥投水而死國人哀其孝義爲歌河女之章

伍子胥諫吳王言不納用見戮投海國人痛其忠烈爲
作小海唱今欲歌之衆人曰善統於是足叩船引聲
喉轉清激慷慨悲風應至含水漱天雲雨響集諸人相
顧曰若不游洛水安見是人克欲耀以文武鹵簿觀其
來觀統危坐如故若無所聞克等各散曰此吳兒是木
人石心也統歸會稽竟不知所終

虞仲寧喜

虞喜字仲寧會稽句章人少立操行博學好古元帝初
鎮江左諸葛恢荐喜懷帝卽位徵拜博士皆不就賀循

爲司空先達貴顯每請喜信宿忘歸自云不能測也木
康中與臨海任旭俱以博士徵喜辭疾不赴咸康初內
史何克上疏曰臣聞二八舉而四門穆十亂用而天下
安徽猷克闢有自來矣方今聖德欽明思恢遐烈旌與
整駕俟賢而動伏見前賢良貞喜天挺貞素高尚逸世
東修立德皓首不倦加以傍綜廣採博聞強識鑢堅研
微有弗及之勤處靜味道無風塵之志高枕柴門怡然
自足宜使蒲輪紆銜以旌殊操一則翼贊大化二則敦
勵薄俗踈奏詔以散騎常侍徵之又不起喜專心經傳

兼覽讖緯，乃著安天論，以難渾蓋。又釋毛詩，略註孝經，爲志林三十篇。凡所註述數十萬言，行於世。

張文君

張文君，永嘉人，逸其名，隱居樂清丹霞山，修煉服食之事，嘗乘白鹿，吹玉簫遊諸峯，幽勝郡守王羲之慕其名，往焉。文君卽遁入山之苦竹中，羲之不得見而去。其地常有白雀，羣翔，故更名曰白雀山。

孔德度沉

孔沉，字德度，山陰人，有美名，何克薦於王導，辟丞相司

徒掾鄉郡王文學並不就。從兄坦以喪遺之。葬不受。坦曰：晏平仲儉，猶狐裘數十年。卿復何葬？於是服之。是時沉與魏顓、虞球、虞存、謝奉並爲四族之雋，而沉獨抗高不仕，尤爲時流傾屬。

韓興齊績

韓績，字興齊，嘉興人。父建仕吳，爲大鴻臚。績好文學，以潛退爲揅，布衣蔬食，不交當世。東土人士並宗敬之。司徒王導辟爲掾，不就。會稽內史孔愉踵薦，詔安車束帛徵之，不起。卒于家。

張偉康茂

張茂字偉康會稽人以耕稼讀書爲事不就徵辟與同郡孔愉丁潭齊名愉字敬康潭字世康時人號曰會稽三康

宋齊梁陳

共十四人

樓知遠惠明

樓惠明字知遠金華人以篤行聞居金華山藏名遜跡宋齊之際連徵不起文惠太子以師禮請之不得已應命未浹月辭歸忽自金華輕棹西下及就道回之豐安

旬日妖賊起屠其城豐安衛全人以此異之。

戴仲若頤

兄鼓附

戴頤字仲若達之子與兄鼓並受業於父父沒所傳之聲不忍復奏各造新弄鼓制五部頤制十五部傳於世頤嘗游桐廬居吳下又止京口黃鶴山後還剡宋文帝每欲見之不能屈嘗謂黃門侍郎張敷曰吾東巡之日當晏戴公山下也後卒葬剡所遺文有釋禮記中庸篇月令章句逍遙論等書鼓字長雲仕爲散騎常侍與父達弟頤並高蹈物外爲世所稱

徐文楚伯珍

徐伯珍字文楚太末人少孤貧苦業學書誦讀不輟遂通經史宅南去九峯山數里伯珍移居之庭除水生連理白雀雙巢戶牖論者以爲隱德之徵兄弟四人白首雍睦人呼爲四皓卒年八十四受業生徒千有餘人皆爲制服

朱百年 妻孔氏附

朱百年山陰人少有高情携妻孔氏入會稽南山以伐藥採茗爲業以藥若置道傍輒爲行人所取明日已復

如此人稍慳之積久乃知爲朱隱士所賣。頃者隨其所
墮多少留錢取藥若而去或遇寒雪藥若不售無以自
資輒榜船送妻還孔氏天晴迎之好飲酒頗談玄理時
爲詩詠有高勝之言隱迹避人惟與同縣孔頴友善頴
亦嗜酒相得輒酣對盡歡顏峻爲東揚州餉百年米五
百斛不受後卒山中蔡興宗爲會稽太守餉百年妻米
五百斛妻遣婢詣郡門固辭時人美之以比梁鴻妻云

褚元璩伯玉

褚伯玉字元璩錢唐人少有隱操寡嗜欲往剡居瀑布

山下三十餘年隔絕人世。王僧達爲吳郡苦禮致之。伯玉不得已。停郡信宿。纔交數言而退。寧朔將軍丘珍孫與僧達書曰。褚先生滅景雲棲。不事王侯。自非折節好賢。何以致之。昔文舉棲冶城。安道人昌門於茲。三焉却粒之士。餐霞之人。乃可暫致。不宜久羈。望其返策之日。甕紆清塵。亦願助爲警說。僧達答曰。褚先生從白雲遊。舊矣。古之逸人或留處兒女。或使華陰成市。而此子索然爲朋。松石介於孤峯絕嶺者。積數十載。近故要其本來。此冀慰日夜比談。討芝桂。借訪荔。蘿若已窺。烟液臨滄。

洲矣。君欲見之，輒當申譬。宋散騎常侍樂詢行風俗，表薦伯玉，加召聘不就。齊高帝手詔吳會二郡，以禮迎遣。舜疾上，不欲違其志，勅於剡白石山立太平館，居之卒年八十六。

孔祐

子道徽孫總附

孔祐，山陰人，愉曾孫也。隱居四明山，嘗見山谷中有數百斛錢，視之如瓦礫，樵者競取之，則化爲沙土。又有鹿中箭來投，祐養之，創愈而去。復引羣來，飯太守王僧虔，欲引爲主簿，不屆。子道徽，少厲高行，能世其家，隱居南

山終身不窺城邑。齊豫章王嶷爲揚州辟，西曹書佐。不至鄉里宗墓之。漢徽兄子總亦有擡行凍餓，自甘郡縣徵辟皆不就。

杜景齊京產

杜京產字景齊，錢唐人。少恬靜，閉意榮宦，頗涉文義。會稽孔顛清剛有峻節，一見而爲歎，交郡召主簿。州辟從事，稱疾去。除朝請，不就。與同郡顧欽同葬東山，開會授學。會稽太守武陵王曄遣儒士劉瓛入東山爲曄講說。曄曰：杜生當冷之臺尚也。京產請職，至舍講書，領資供。

侍子栖躬自屣屣爲黜生徒下食孔稚珪周顒謝滄並
致書以通殷勤稚珪與陸澄虞琮沈約張融表薦京產
曰竊見吳郡杜京產潔靜爲心謙虛成性通和發於天
挺敏達表於自然學遍元儒博通子史流連文藝沉吟
道奧掛冠辟世家業窮岩採芝幽澗耦耕自足薪歌有
餘確爾不羣麻衣藿食二十餘載雖古志士何以加之
謂宜釋巾幽谷結組登朝則崑谷含懼薜蘿起柝不報
後以員外散騎侍郎召京產曰莊生持鈞豈爲白璧所
回舜疾不就

沈處默顓

沈顓字處默，武康人。幼清淨，有至行。慕黃叔度、徐孺子之爲人，讀書不爲章句，著述不尚浮華，常獨處一室，人罕見其面。從叔勃貴顯，每還，具典賓客，填門。顓獨不往。勃就見顓，送迎不踰閭。勃歎曰：吾乃今知貴不如賤也。顓內行甚修，居家以孝友稱。兄昂，一名顯，亦退素，以家貧爲始安令，相隨之任。及昂卒，採薪自資，與家人并日而食，怡然不改其樂。或有饋梁肉者，閉門不受。建武二年，徵太子舍人。永元二年，徵通直郎，俱不就。

盛紹遠

盛紹遠餘杭人梁封關內侯天監二年拜祭嘉遁開門受徒執贄稱弟子者數百人破門人立碑以旌德業

沈徵

沈徵吳興之武康人法興之孫太子文學承學之子隱江口山孝弟力田累徵不起縣丞常慶表其所居爲茂德鄉

唐 共四人

張子同志和

張志和字子同，婺之金華人。始名龜齡，母夢楓生腹上，而產志和。十大擢明經，以策干肅宗，特見賞重，命待詔翰林。因賜名志和，以親喪不復仕。居江湖，扁舟垂綸，自稱烟波釣徒。著書三萬言，號玄真子。說者以其文論道，縱橫謂之造化，鼓吹，兄龜齡亦有文學，恐志和浪迹不還，乃於會稽東郭買地，結茆齋以居之一。閉竹門十年，不出。吏人嘗呼爲樹河夫，執畚就役，曾無忤色。所居草堂，椽柱皮節皆存，而無斤斧之迹。觀察使陳少游聞而謁之，坐必終日，因表其所居曰玄真坊。又以門巷湫隘。

出錢買地以立開闢。旌曰：題軒巷門，隔流水十年無橋。少游遂爲剏造。行者謂之大夫橋。垂釣去餌不在得魚。肅宗嘗賜奴婢各一，志和配爲夫妻。名夫曰漁僮，妻曰焦青。人問其故，曰：漁僮使捧釣收綸，蘆中鼓柁，焦青使蘓蘭薪桂竹裡煎茶。陸羽嘗問有何人往來，答曰：太虛爲室，明月爲燈，與四海諸公共處。未嘗少別，何有往來。性好画山水，皆因酒醪乘興擊鼓吹笛，或閉目，或背面舞筆，飛墨應節而成。顏真卿以舴舺旣敝，請爲更之。答曰：倘惠漁舟，願以爲浮家泛宅，松江湖之上往來甚。

嘗之間，即野夫之幸矣。其詠諧辯捷，皆此類也。然立性孤峻，不可得而親踈，率誠澹然，人莫能窺其際。嘗撰漁歌，憲宗圖真，求其歌不能致。李德裕稱志和隱而有名，顯面無事，不窮不達，厥光之比云。

陸魯望龜蒙

陸龜蒙，字魯望，長興人。嗜茶，置園顧渚山下，歲收租茶，自判品第，有別業在松江。時升舟設篷席，齋束書，茶竈筆床釣具，往來雲水間，自謂江湖散人。號天隨子。又曰甫里先生。自比涪翁漁父。江上丈人，後以高士召，不赴。

所著有笠澤蔡書三卷詩文十六卷行於世

秦公緒系

秦系字公緒會稽人天寶末避亂剡溪留守薛蕙訓秦
爲倉曹叅軍不就客泉州南安有九日山大松百餘丈
俗傳東晉時所植系結廬其上穴石爲硯注老子彌年
不出刺史薛播數往見致饋而系未嘗至城門其後東
度秣陵年八十餘卒南安人思之號其山爲高士峯

羅萬象

羅萬象分水人隱於紫邏山浙西觀察使李德裕使人

召之萬象聞之更逃入深山築白雲亭居之終身不出
五代 共二人

文通先生宋榮

宋榮義烏人隱居縣西覆釜山下通尚書春秋廣順中
累徵不就學者私謚曰文通先生其後有名柏者遷金
華之潛溪柏五世孫濂以大儒翊運洪武初放還嘗於
岩下建書院以誨宗族子姓名曰釜山書院

嚴永

嚴永永嘉人初仕南唐歷顯官一旦避地藏衣冠於平

陽前倉青華山岩穴間爲市人傭作以自給後朝使以詔命物色得之永不得已於岩穴間取所藏衣冠以行未幾復遷去竟不知所之邑人名其處曰嚴公岩

宋

共五十一人

趙仲困宗萬

趙宗萬字仲困山陰人博極羣書以進士應詔籍於春官其天資蕭散於世故澹如也壯歲卽築室於郡之照水坊左瞰平湖前挹秦望畜一雀號丹砂引以爲侶足跡不入高門鼓琴讀書怡然自適者三十餘年祥符中

詔舉遺逸郡守康哉以宗萬薦尋被召乃曰吾老矣不足以任事因獻跛鰲傳以自見且請乞爲黃冠朝廷不奪其志卽其家賜以羽服後十餘年卒宗萬神宇清明謙度夷曠終日凝澹若嬰兒真方外之士也然取捨去就之際則確乎有不可奪者善八分草隸書通俞扁術或辟穀導氣嘗爲詩曰斗懸金印心難動屏列春山眼暫開蓋其志也

周侃

周侃永嘉人隱身東修萬行仁義真宗東帛徵之不起

郡人名其卷曰招賢卷終老於護國山中

和靖先生林君復述

兄子翥附

林適字君復錢塘人少刻志學問放浪江淮歸隱西湖
孤山真宗聞其名賜號和靖處士詔長吏歲時勞問適
善行草爲詩孤峭澄淡嘗詠梅花有暗香疎影之句爲
絕唱詩每就輒弃稿或勸存之則曰吾終志林泉不欲
取名於時况後世乎居西湖二十年未嘗入城市杭守
王隨每與唱和李及薛映時往清談蓄二雀曉綴之雲
霄暮自入雙鴨泛小舟遊西湖諸僧寺客至則童子放

崔爲候通棹舟歸臨終有詩云茂陵他日求遺稿猶喜
曾無封禪書卒葬舍傍通嘗識李諤於布衣以爲公輔
之器通卒時諤守杭爲服總仁宗謚曰和靖先生通不
娶無子教兄子宥登進士甲科仕終侍御史

卧雲先生管師復

弟師常附

管師復龍泉人與弟師常從胡安定學俱有盛名時稱
二管師復長於詩隱居不仕仁宗隔其名召至問曰卿
詩所得如何師復曰滿塢白雲畊不破一潭明月釣無
痕臣所得也賜爵不受歸人稱卧雲先生著有白雲集

行於世

慎東美伯筠

慎伯筠字東美，西安人。豪於詩，應貢京師，至禮部貢院。見棘圍嚴甚，慨然曰：「是非所以待天下士也。」拂衣歸，縱遊山水，以詩酒自娛。嘉祐間，有盛名，韓琦薦之，與林和靖俱至。伯筠留京師，一日遇鬢髻道人，傾蓋如故，談論累日，人莫能解，自是不復飲酒，亦不作詩，未幾竟潛去，不知所終。王逢原嘗贈以詩曰：「世網挂士如蛛絲，大不及取小，緩之宜乎，倘儻不低欽，醉脚倒踏青雲歸。」前日

才能始誰播，一口驚張萬。誇和雷公哨，句不姿媚天骨。
老硬無皮膚，人傳書染莫。對富破邪驚，出鸞鳳翔間或。
老筆不肯屈，鉄鎖急縛蛟龍僵。少年奇氣狂，不羈虎脅。
插翼白日飛，欲將獨立誇萬世。笑謂李白爲顛兒，四天
無壁才可家。醉膽憤痒遣酒拏，欲偷北斗酌竭海力拔。
太華塵餘牙，世儒口軟聲如蠅。好於壯士爲忌乎，我獨
人仰願得見，浩歌不敢兒女聲。讀是詩亦可見其槩。

賈耘老收

賈收字耘老，烏程人。有詩名，與蘓子瞻交善。其居有水。

關曰浮暉子瞻遊道場山回。值風雨泊舟登浮暉閣。命
官奴秉燭掃風雨。竹於壁間收素貧。子瞻每念之。嘗寫
古木怪石。書其後以贈云。今日舟中霜寒。十指如懸槌。
適有人致嘉酒。遂獨飲一盃。醺然徑醉。念處士貧甚。無
以慰其意。爲作古木怪石一紙。每遇飢時。輒一開看飽。
人否若異。與有好事。能爲君月致米三石。酒三斗。終君
之世者。當便以贈之。不爾。可令雙荷葉收掌。湏添丁長
以付之也。雙荷葉耘老侍姬添丁耘老之子也。後耘老
作亭以懷。藉名之。有詩一編。號懷藉集。

白雲先生周翊臣沂

周沂字翊臣，江山人。趣尚高遠，隱身不仕，號白雲先生。少與趙清獻、朴同席研書，朴甚敬之。既登政府，欲一見沂，沂因入都，扣門大呼曰：「我欲一見趙。」四闢吏大驚走。朴朴曰：「周先生天下士，視軒冕如土苴，豈知有我哉！」整襟肅入，延之上坐，強留邸中，清言數日，不及世務，竟納履去。

大隱先生楊韓道適

楊適字韓道，慈谿人。篤學力行，不求聞達，躬耕養親，非

義之饋一介不取。鄉隣有盜其稼者，人告之，適愀然曰：「彼窮厄求採其生耳，勿問也。」盜者聞之，慚悔，自是一鄉之中無復草竊。孫沔出按兩浙刑獄，召之不赴，遂之越川居崑，觀者四十年，望重一時。仁宗詔求遺逸，太守鮑軻以名聞，賜粟帛。太守錢公輔又薦之，授將仕郎，試太學助教。州遣從事致書，具衣冠車從以迎之，辭不受。還大隱山，鄉人尊之曰大隱先生。卒年七十六。

鄞江先生王君一致

王致字君一，鄞人。與楊適、杜醇爲友，俱以道義化鄉里。

諸生子弟師事之。皆稱爲先生。年踰七十。樂道安貧。妻收遺棄子。拾墜薪。浩然無悶。聞其風者。莫不傾慕之。仁宗朝。詔天下立學。有文材道義者。與本州校官。致辭不受。宰臣陳執中奏錄。致文得一百八十篇。藏之秘閣。存葬邑之樓鳳山。王安石題之曰。鄞江先生之墓。

竹隱老人潘亨甫祖仁

潘祖仁字亨甫。金華人。好學能文。自號竹隱老人。子女七人。獨以身教清素之風。行於一家。嘗放杖乘七發。作七進詞以見志。卒年九十餘。

王應求說

子珩孫勳玄孫正已附

王說字應求鄞人王致受業弟子也隱居教授餘三十年建書院於桃源鄉以居四方來學之士熙寧九年神宗特恩補將仕郎試州長史不受御書桃源書院四字賜之說無田以食無桑麻以衣怡然自得子孫世其家子珩宗正少卿孫勳廣南市舶一錢之利皆歸有司不識船貨之名及卒賈胡率錢二百萬爲賻子正已却之曰吾父以廉直聞雖貧猶能負喪以歸不媿廉叔度也清白之傳皆致之家訓正已終大府卿

檜隱士趙十朋占龜

趙占龜字十朋黃岩人志尚超卓與石尚書公騶李容政光爲內外兄弟二公貴無一字相通其介如此家有軒面植雙檜人稱爲檜隱士宣和寇亂動以火攻獨於是軒相戒無犯

朱文昭麟

朱麟字文昭平陽人學於陳傅良不事舉業躬耕於南蕩山抱其學以終嘗著紀年備遺始堯舜迄五代至呂武莽丕朱溫皆削其紀年以從正統曰吾爲書之志也

葉木心爲之原

俞秀老紫芝 弟澹野

俞紫芝字秀老金華人弟澹字清老二人志於修潔引
身不仕秀老恬靜而清老頗使酒好歌秦少游作紫芝
字叙稱金華居士又黃魯直答清老寒夜三詩末一首
云牧羊金華山早通玉帝籍至今風低草鱗鱗見白日
金華風烟下亦有君屐迹何爲紅塵裏領鬢欲雪白
黃上世亦出金華云

史升之詔

史詔字升之，鄞人。父簡，母葉氏，遺腹子也。襁褓豐下，少有大志。從鄉先生樓郁學，以孝行聞。遇太妃，輒引避，嘗曰：無母氏之節，已無史氏矣。誓終身，母子不相離。或曰：取薦所以祭母也。詔曰：朝廷設科，思得其用，敢竊爲已祭邪？設與計，偕則初志爽矣。况忘親欺君，士君子所不爲也。大觀二年，詔舉八行，鄉人以詔應命，遂與母避於縣東大田山。郡守迹所往，迫使就道，誓不起。鄉人稱爲八行先生。以孫浩貴，累贈太師、越國公。

若溪漁隱胡仔

胡仔烏程人少無宦情自號荅溪漁隱閉戶讀書留心吟詠取古人詩考之傳記作藜話百卷詞林稱其博雅

朱合甫聲

朱聲字合甫永嘉人隱於江北合山穴崑以居作合山游數千言號歎歛子有隱堂非其人不能履其闕郡守周延雋數致問遣悉不受曰吾不忍以身爲溝壑也

四明居士朱元翰

朱元翰義烏人卓犖不羣博通經史爲文必根理要紹興中嘗獻賦行在言切時政不報遂隱遁終身自號四

明居士

靜翁陳孟容鶴

陳鶴字孟容義烏人志趣高邁不喜自衒靖康初游太學京城陷東書東歸結茅於雞鳴山之陽采蔬拾薪以奉其母而母亦惓然忘其食貧也自號靜翁有詩稿五卷

周彥通

周彥通永嘉人豫之長子也當恩補避匿弗出父沒貲產貨財一無所取結廬謝池未嘗交俗歲嘗蔬食鄉里

親戚推其忠信篤敬過其門知爲隱居入其堂知爲君子

石室先生陸永仲維之

陸維之字永仲餘杭人丰神雋拔議論倜儻少以計借人汴羣法從邀與雜坐命相者某道人視之道人指維之曰秀才叩以科第則曰且歸山道人揖別贈以粒丹緩急用之陸下第南歸舟循汴風激浪湧舟將不勝以丹投之風浪始息汴上有呼其姓名者則道人也維之遂有超世之志隱於大滌洞天石室人因以石室先

生稱之。逍遙林谷，詩酒自樂。光堯嘗召之稱疾不起。後光堯幸大滌，憲聖亦侍，羽流起居，問以山中詩客，以維之對。進其詩，光堯讀數首，太息曰：布衣入翰林，可也。欲與孝宗言，憲聖曰：山林隱士，必不要人知，要他出去，却是苦他，遂止。未幾卒，有石室小隱集三十卷行於世。

許梅屋棊

許棊，號梅屋，世居海鹽之秦溪，業儒，博通內外典，不樂仕進，居分四榻，前垂簾，懸白傅坡仙二像，後儲書數千卷，編嗜筆研，黃朱墨卿，校讐無虛日，每有題著，必鏤於

嗟賞謂語意天出不知前有古人今有作者別築小園
於秦溪之北。徧植梅花於四簷。花時雪霽月升。淡香疎
影不減羅浮。適有張生自雁宕抱琴來訪。對梅一搥恍
然太古之音。贈之歌曰。抱琴來兮雁山低。抱琴歸兮雁
山崔嵬。卜居西湖之涯兮。身伯牙兮心子期。每自稱曰。
四壁天地萬卷春風。庾嶺香孤山玉。樂而可以忘死。殆
振奇人也。所著有梅屋稿。獻醜集。并樵談若干卷。

朱子益有聞

朱有聞字子益。浦江人。幼孤。長能刻苦爲學。夏不揮箒。

冬不擁爐。又之淹貫百氏。無所不通。作文尚質實。有理致。方其搦筆。曲折自如。甘貧味道。視富貴一無所屬。令丞而下。欲見之。不能得也。呂祖謙名重一時。知其有守。而多聞訪之。逆旅中。再以書速之。竟不往。淳熙十六年卒。

葆真子黃敦政璣

弟輔附

黃璣字敦政。金華人。少剛直。負高世之志。與弟中輔齊名。以早失所怙。絕意仕進。建炎初。嘗從舅氏宗忠簡。一至汴京。忠簡將授以官。謝曰。璣之來。豈爲覓官邪。卽辭。

歸追贈白金數錠計所用取之返其餘後忠簡必欲完
之秦補迪功郎卒不受老於家號葆真子

泊宅翁方仁聲句

方勺字仁聲金華人隱居湖州西溪號泊宅翁取張志
和浮家泛宅之語而反之以見志潘良貴嘗贈之以詩
云學道悠悠未見功敢云尼臂有仙風他年一鉢江湖
去先向苕溪訪葛洪詩序稱其超然超舉精神散朗如
晉宋間高士其詩文雄深雅健追古作者所著有泊宅

篇十卷

薛寧仲高

從孫嶠附

薛高字寧仲永嘉人任道城簿弃官而隱讀書作文至老不休家有讀書樓陳謙贈之詩萬卷編抄高似屋一門師友重如山之句從孫嶠字賓日登寶祐第調長溪簿一日亦掛冠曰非所好也科目以世其學耳一行作吏雅道遂廢日以詩酒自娛且自營窻裁自作枕歌人稱其達以比司空圖

花翁孫惟信

孫惟信夔人工詩喜談禪嘉定初嘗於大雪中登廬阜

絕頂盡得其景物之詳。作紀游卷。弃官不仕。隱居武林湖山間。自號花翁。病沒安撫使趙與憲葬之湖上。

姚君愈獻可

姚獻可字君俞。義烏人。隱居郭西門。紫尚書。適布衣時。嘗訪之。獻可曳破屣出迎。如舊識。臨歿。預以書告。適曰。我能守義不屈。子幸爲我銘。及卒。適銘稱其孤寡自潔。至老益加所著。有西園雜稿。

兌光居士林崧孫

林崧孫字喬瑞。安人。幼孤。力學。長於易詩。與陳鵬飛友。

善。鵬飛。敗死。遂息。意仕。進自。號兌。光居士。與沈琪韓汝翼修古故事。保墳墓。以厚風俗。後進言。與刑高尚之士。必稱之。

休休翁石成已余亭

石余亨字成已。新昌人。登咸淳進士。仕於鄞。於衢。已而弃官歸沃洲。自號休休翁。避丙子之亂。奔走萬山中。更號遁翁。平生自喜爲詩文。孫樸欲梓遺稿。弗許。曰。聊以適吾意耳。未必名家。已而慨然曰。吾家更八九世。皆不失素業。至余身。益窮。今老矣。然不屏於盜賊。不死於道。

即獲奉遺體。下從先君子於九原亦幸矣。因預爲之銘。銘曰。膠膠乎申申乎。將久存以存。余形乎寧。匪歸以全。余真乎悲夫。

孝隱先生樓文舉斗南

樓斗南字文舉。義烏人。天資渾厚。制事有繩墨。人有爲不善者。惟恐其知之。少遊太學。晚以特科補官。非其志也。再調台州司理。辭不赴。取白樂天詩語題所居曰。中隱。以歸老焉。事母至孝。治家嚴。奉母嬉娛。後母沒。築堂縣東門。號望雲。旦夕瞻慕。終身不衰。鄉人稱之曰。孝隱。

先生

許少明景亮

許景亮字少明瑞安人景衡之兄身長八尺眉目瞭朗望之偉然兒時日誦數千言弱冠游太學文辭秀出三試禮部不中爲治說二十篇上之不報浩然有歸志曰君臣之義不可廢也遇不遇命也遂退隱郡邑具禮交聘堅不起年八十餘無疾而逝

蔣季莊璿

蔣璿字季莊慈谿人閉戶窮經不妄與人接高閈居明

州每過訪其廬輒相對小室極意講論自晝竟夜殆忘寢食或問閔曰蔣君不多與人周旋而獨與君厚何也閔曰閔終歲讀書凡有疑未判與闕而未知者每積至數十端輒一叩之無不響答蔣君所長他人未必知之閔得爲知己幸矣

廻峯先生徐立之

徐立之舊名炳學老子法隱於西湖之廻峯人稱廻峯先生通判都官員外郎蕪爲嘗謂之曰何不仕乎曰若時與命會可以佐天子福元元不然悔吝生矣曷若追

真鴻霽豹與孤雲俱爲敬其言爲之著傳題峯今雷峯也。

雪溪先生常宜卿說孫

常說孫字宜卿謚忠毅同之孫也。宋季多故隱居著書公府交辟俱不起。所著有天閑雜著。懋齋筆記。雪溪稿。門人稱雪溪先生。

南窓先生劉準

子汝舟附

劉準鄞人自幼好學少長遂博通經史。宋末國事日非絕意仕進隱居教授門徒常數十百人。以甬東負郭非

隱者居鄆築室青山之厓左闢右書日以研窮典與爲
事學者稱爲南窓先生于汝舟字端甫確守父訓平居
無戲言情容鄙之名士大夫相繼來居一時林下衣冠
爲盛剝啄同音者戶屢常滿汝舟用呂氏鄉約身率而
推行之苟非其人輒謝絕之不附權勢不事請託不入
城府不語及州縣得失務本節用有餘則以濟人說者
以比管寧

高節先生嚴君友侶

嚴侶字君友子陵三十五世孫也生有奇氣研精讀書

不以應舉名人勝士過釣臺者必訪之炙炭煮茶清論終日或勸之學則曰漢雲臺諸將仕非不赫赫今子孫無聞焉吾鼻祖去今一千三百餘年而高風遠韻與桐江山水相爲流峙侶不敏願爲嚴陵賢子孫足矣居家教授從遊者甚衆一日與文丞相客謝翱雪夜登西臺驪酒饗哭以鉄如意擊石曼聲楚歌響振林木人莫能測其意暮年建汝社爲會取晚而有信之意翱卒無子與社中友買地南臺葬之築許劭亭於墓左嘗游錢塘僧胡石塘住山村過孤山醉林處士岳鄂王墓卒有勳

於中告二賢曰吾常時如是親必不安亟歸及室而卒
死。辨鬪氣絕者數四。既葬廬墓三年。不脫衰經。不見容
客。有白燕巢於墳。木事母益虔。母卒哀毀成疾。幾不起。
每至生旦。服墨衰。哀慟踰他時。至順辛未卒。年六十。門
人私謚曰高節先生。從祀祖祠。楊維禎銘其墓。

劉良佐應時

劉應時字良佐。慈谿人。性敏而勤於書。無所不讀。隱居
林下。刻意於詩。典寄蕭散。范至能深賞之。以爲孟郊。賈
島之流。所著有願庵稿。

錢深雲墳

錢墳字深雲世居東錢湖之里讀書尚節繁不求仕進力耕食貧裕如也晚年別築一室手植松竹以自況日與同里高友文橫經講道得一善則服膺不忘鄉人敬其隱德皆尊之曰先生而不名

山南先生劉元益應龜

劉應龜字元益義烏之青岩人少恢疎落落多大志咸淳間游太學馬丞相高其材將妻以女應龜不可由是名噪一時又之以優陞解褐目擊時艱不欲以身爲殉

遂退隱於南山之南人稱山南先生所著有夢稿痴稿
凡二十卷

常召仲棠 弟棣附

常棠字召仲同之曾孫也家於澉川身棲海岳志薄雲
霄踴躍無儔浩然自得時值宋季朝野穢消戕民征利
每竊歎曰東南其夷乎閉關不任苦心篤學善屬文統
庭種竹數百竿以厲操自號曰竹窓所著有澉水志三
卷其秀野堂記尤工文多不錄弟棣亦能文善書嘗書
此記時稱二絕

元 共三十八人

李至隱寓

李寓字至隱，東陽人。性恬淡，質直，嘗習辭賦，爲舉子業。宋亡，遂隱居，不事進取。日以文史自娛，手不釋卷。老而彌篤，嘗曰：讀故書如對故人，得新義如得知己，樂以忘憂，不知齒之既暮也。壽逾一百一歲而終。所著有隱居雜稿。

梅江徐天錫禹圭

弟禹疇附

徐禹圭字天錫，鄞人。與弟禹疇皆刻厲好學家，貧無書。

晝抄夜讀，雖躬耕畝，弗倦於勤。受業於汪元春，兄弟自相琢磨，蔚成名儒。禹圭嘗兩中浙江鄉試，以母老不仕，隱身教授。時程端禮歸老於家，相與討論，默契心融。生徒從者遠近如歸。門人因其里居，咸稱曰梅江先生。禹嘯字天燾，亦嘗試藝於鄉。值元季，遂隱居泉石，講學授徒，餘五十年。弟子有三世從之者，爲人沉默，無疾言遽色。年八十四卒。

王宗孚孚

弟宗尹附

王孚，字宗采，山陰人。蘭亭書院山長。中元之第五子也。

孝友淳樸、動遵禮度、爲後進楷模、以先世有田廬、在菱湖之上、時方擾亂、遂同昆季渡姚江、寓焉、杜門畏影、晚年益敦友愛、與弟宗尹、嘔吟自怡、相繼而終、俱無子、隱德無傳、人共惜之、孚有山林餘興詩稿。

王居正子中

王子中、字居正、武康人、博學能詩、有超世之志、每閉戶、獨吟、不屑仕進、一時名士、如柯敬仲、虞伯生、皆相善、率多唱酬、有樹蓑吟三卷行於世。

碧厓先生吳一飛雄

吳雄字一飛諸暨人志趣高遠不屑與世浮沉閉戶讀書精研墳索一言一動輒以古人自期嘗辟本州儒學正高卧不起時人稱爲碧崖先生

唐仲暹光祖

唐光祖字仲暹其先金華人父以仁從聞人夢吉避地永康遂家焉仲暹幼承家學長從李草閣游學問淵源屬文典雅隱居教授儼然以脚道自尊號委順夫所著有委順夫集

蓬廬處士史稱妻公瓊

吳公珽字播曼，鄞人。學通諸經，尤精易理，作文典則名重一時。同里鄭奕夫以道學文章自命，每有論議，必俟公珽鑑定，然後出業。隱居教授者數十年，程端學薦主甬東書院，遂棄去，遊西州，寄興吟詠，以陶寫性情。每對人論宋季臺閣故事，壹壹不倦，及忠臣義士死節者，必慷慨流涕。廣平李堯民七喪不舉，公珽傾橐助之，且爲著哀辭，告其常所往還者，自號蓬廬。處士所著有蓬廬稿、易演義及象數發揮若干卷。

董仲貞鎮

董鎮字仲貞海鹽人博通經術有用世之志值元祚遂
隱於海寧之泉山每夜靜月明輒登山頂劃然長嘯風
生海湧聲聞數十里或悲歌慷慨繼之以泣歸輒閉門
竟日臥有慕其名者扣戶謁之楊對危坐終日不出一
言人以爲不可測

莘疇居士張煇

張煇，嵯人也。少孤立不凡，自以家世宋臣，絕意仕進，作
休休亭，以見志。自號莘疇居士。所著有記蹟錄，每日所
行必書之，以自考。至老不輟，當時稱爲篤行君子。

應子孚恂

應恂字子孚永饒人純樸好古傳誦書史力耕自足一介不苟取於人訓誨子弟與教授門生必依於孝友忠信嘗自贊曰不能執中寧過於厚不能有爲寧過於守約身映畝者數十年清貞之操始終如一所著有純樸翁稿

葉本山林

葉林字本山錢塘人喜讀書詩文得古體性不苟合布履飄然遊天目至九鎖山築小室溪山間有終焉之志

每遇積雪登岩谷四顧月下獨步林影間深夜忘返
人登牧與林深相得每月夜往來相與劇談弗性牧則
自至大德丙午正月一日無疾書偈案上泊然而化

謝彥實暉

謝暉字彥實先資陽人識見通敏受業胡長孺之門以
德業自勉或勸習舉子業答曰學以博通古今資文行
耳仕奚所急哉時趙文敏以書名天下見而愛之授以
書法一臨池遂得文敏之神爲詩文簡淡雋永尤長尺
牘人得其片楮者以爲拱璧暉亦不自秘惜求輒應之

有所不可離貴勢不能動也。與人交必以義。人有一善必揚之。藩帥郡將請門請交未嘗造謝。每相對清言終日一語不及私說者。謂隱不違親。貞不絕俗。暉實有焉。

耕雲處士周天常與昂

周與昂字天常。遂昌人。隱居桃源五峯之下。通史籍。積下筮。以耕雲處士自號。終老丘園。足未嘗一入城府。手蒔松竹梅於屋側。以養歲寒之志。有古逸民風。

貞白先生吾子行衍

吾衍字子行。其先太未人。從父游太學。遂居錢塘。性高。

澤博通子史百家，篆隸遍秦漢，詩效李長吉，雖性曠，少檢，眇左目，跛右足，而風度醜藉，一言一笑，皆可喜，對客吹洞簫，或弄鉄如意，或援筆製字，旁若無人，每自比郭忠恕，隱居教授，獨處一樓，坐學童樓下，遣高弟子逆授之，客至，童子輒止之，俾登乃上，燕訪使徐琰來訪，衍從樓上呼曰：「此樓何可當貴人登邪？」願明日走謝。琰素重衍，笑而去，竟亦不謝也。後以無妄被逮，義不受辱，赴水死。謚曰貞白先生。所著有尚書要略、九歌譜、聽玄造化集、十二月樂詞譜、重正卦氣、楚史、構机、晉文、春秋、道藏。

後神契石鼓詛楚文晉釋簡中編竹素山房詩集說文
續解

鄭處抑昂

鄭昂字處抑平陽人志趣高遠不肯諧俗與人落落不
合隱居讀書處貧安分視勢利澹如也雅好爲詩清新
俊逸一字不苟至正癸巳冬叛卒陳安國據城以禮訪
之昂弗見挈妻子隱西華山中事息始歸僉憲宋伯顏
不花高其義屢薦不受有詩傳於世

文行先生鄧牧心牧

鄧牧字牧心錢塘人生十餘歲讀莊列二子書悟文法
下筆追古作者不事榮名遍遊名山大川歸隱大滌山
人稱爲文行先生所居有超然館冥坐累月不出時時
作詩文以自娛每一篇出人爭相傳誦與葉林李坦之
友審石塘胡長孺爲作傳所著有洞霄記游山志雜文
稿

陳允文

陳允文瑞安人賦性耿介不樂仕進每慕徐孺子陶靖
節之爲人盡取靖節所爲詩而和之其與人交無一毫

疑僞意望而知爲佳士常賦詩鼓琴以自娛雖嗜酒里
大姓有不能屈農者之招或時赴焉既醉嘗坐茂樹臨
清泉散髮濯足翩翩然物外人也年五十不復執筆凡
有述作輒口授子弟書之年八十餘卒

何介夫景福

何景福字介夫淳安人爲人學博行修超然獨立以所
遇非其時累辟不赴惟詩酒自娛以終其身所著有鐵
牛翁詩集一卷行於世

李寧之康

李康字宜之，桐廬人。事母篤孝，人稱李孝子。從永康趙仲孺游，工詩文，博及書畫，器奕無不冠絕。一時素以功名自許，兩試藝，不售，輒弃去。以古學自鳴。元正二年，郡守馬九臯遣使幣聘，不起。九年，張奉使高其行，又起之。復辟十六年，宰臣塔失鐵豆，邑卽遣幣命縣令羅良誦請議事。康不行，已而性極談，當時得失，欲官之。以母老，懇辭而歸，未幾以疾卒。高陽許瓊、青田劉基臨其喪，爲詩哀弔之。所著有杜詩補遺、桐川詩派、梅月齋永言、看山清暇集各若干卷，藏於家。

葉抽修孟傳

葉孟傳字抽修。中人隱居讀書。不求聞達。爲文根極理要。手口互宣。而縱橫曲折。無不如意。每一篇出。四方傳誦。以爲文炬。及門受業者。踵相接也。舌耕自給。處之晏如。未嘗以貧故少屈於人。當時以爲石隱。

陳象賢子暈

陳子暈字象賢。奉化人。負器幹精。藝文書法。李北海嘗爲慶元路教授。因國事日感。遠隱居田里。經生學士慕焉。德學執費受業者。蓋靡處。羣家雖貧。束修之外無矣。

受每風晨月夕輒載酒溪山之上與高橋章壘雨東壘
奕夫輩廣唱迭和以發抒懷抱所著有思刻集藏於家

黃伯成介

黃玠字伯成定海人寶章學士震之曾孫也自幼服膺
先訓博洽無不通志尚卓然不隨俗進退躬行力踐以
古聖賢自期隱居教授孝養二親聞其名者爭遣贄迎
致之每渡浙而西富家宦族尊其德學爲築館舍貫田
產以居之當時以方邵堯夫之在洛也樂與與山水之
勝乎縵弁山遂號弁山小隱與趙文敏子昂黃文獻登

謝和衷善所著有弁山集知非稿纂韻錄唐詩選各若干卷行於世

大癡道人黃子久公望

黃公望字子久富陽人聰敏絕倫通百氏說尤工山水運思落筆氣韻流動画家有極力不能追者每擬其爲僊人得其片紙無皆寶之元至元中浙西廉訪使徐瑋辟爲書掾不就遁去更名堅號一峯又自稱大癡道人放浪江湖年八十餘卒

董靖傳嗣果

畫嗣杲字靖傳錢塘人隱迹黃冠中傳辯強記談前朝
典故如指諸掌作詩詞不經思索下筆輒成有西湖瓦
詠詩行於世

句曲外史張伯雨天雨

張天雨字伯雨錢塘人宋文忠公九成之裔早弃妻子
隱於黃冠風裁凝峻見者知其爲方外高士工書善詩
歌文益奇古與吳興趙孟頫浦城楊載蜀郡虞集豫章
揭傒斯清江范梈金華黃潛交甚善嘗屏居修茅山志
因自號曰句曲外史

陳時敏

陳時敏瑞安人。習易書，能推步天象，嘗受學於陳堯佐。每心領神會，於不言之表，故其術尤精闢。浙間言曆者，必推本於溫曆。後隱居山中，時人以陳詳議稱之。至正壬辰歲正月朔日食，能辨司天臺推算之差，郡聞於朝，遣翰林學士范天啓以禮徵之，不赴。後差茶司提舉李鶚促其行，終不起。年七十四卒於家。

陳涓叟

陳涓叟，杭人也。讀書學道，不混於俗。賦詩有天然之趣。

隱居葛溪歲一入城名人勝士爭要致之惟恐其去也
所著有紫陽編若干卷葉森嘗贈之詩云一度詩來一
見君只應芳杜襲蘭薰有時寫到遊仙句繞筆秋香生
紫雲

梅花道人吳仲圭鎮

吳鎮字仲圭嘉興人性高介隱居不仕工詩翰尤善圖
山水竹石每題詩其上當時稱爲三絕有勢力者求之
多不得惟贈貧士使取直焉以愛梅自稱梅花道人未
歿時嘗自題其墓曰梅花和尚之塔

貞白道人朱景仁

朱景仁海寧人。事父母以孝聞。有異母兄二。事之甚恭。同居共爨。始終無間言。待宗族。煦然有恩。外姻亦如之。交友敦相恤之義。元季之亂。四方衣冠之士。避地海寧者。景仁悉解衣推食與同甘苦。屢徵不就。自號貞白道人。

沈元吉貞

沈貞字元吉。長興人。甘貧力學。雖在畎畝中。手不釋卷。宅傍有一井。冬夏源泉涌流。溉田數百畝。元吉往來陞

除其上絕無仕進意著茶山稿十二卷

雲林生崔彥輝

崔彥輝錢塘人自號雲林生與王叔明皆趙文敏甥善篆隸詞賦畫亦超詣隱居賣藥於鹽橋市口不二價嘗時以爲壺隱

韓進之循仁

韓循仁字邁之金華人明經漸行隱居授徒一時名士如宋濂具履皆其深交元末兵起避地永康之岡谷以山水文集自娛貧屢無所介意所著有南山集

樗散生李孟言訓

李訓字孟言錢塘人號樗散生元末受業於會稽楊維禎負氣節善爲詩賣藥金陵市中病者趨其門無弗與者所與無不立差蓋賢而隱於醫者也

居林子金建

金建瑞安人有學行隱居不仕以春秋教授不爲詞章記誦之習而以躬行實踐爲急人有善亟稱之有過輒面折不少貸士大夫翕然尊慕之至正間方氏海艘犯境首獻策令築城備禦郡賴以安省府聞其名爰辟之

徵爲秘書管勾，不起。優游田里，以居。林子自稱及方明善，據郡以禮延致，知其終不爲已用，遂不強。未幾卒。

顛公鄭君作天祐

鄭天祐字君作，淑公之後也。少磊落不羈，知元運將革，自負豪傑之才，耻與牛騫同皂，遂處南湖塢中，是爲南湖處士。至正末，天下益亂，上下溷賄，競爲饕餮，降其風而化之，乃憤然有回淳返朴之志，恤恤然矜貧鮮寡，以媿世之貪鄙者。漫游四方，齋餘貲，凡遇生物，無大小貴賤，卽鬻而放之。如是者十餘年，人不能測其所藏，咸呼

爲顛公。晚年每辟火食。日醉醇酒數勺。微醺輒麻鞋散髮。走道上。暢歌屈原漁父篇。以自况。或勸之仕。乃喟然漫答曰。而不見飛。庶氏馬乎。其一。朱鬣白毳龍。飾鳳。鷹。終日不釋轡。卒以熱死。其一。垂頭昂尾。駝頸駘膝。踉蹌善蹶。弃諸野。終年而肥。古之達者。固不苟潔。以罹患。亦不避穢。以養精也。人益不測其所藏。第稱之曰顛公。而顛公亦以顛終其天年。

章德一

子橫塘附

章德一。歸安人。十歲能文。比長。不樂仕進。學士程雪樓

薦之不起。積書萬卷。從學者遠。近畢至。有悠然先生集。子橫塘。號丹霞仙客。有稽古之學。善畫蘭。家貧。鬻蘭爲食。不苟取。與洪武初。召拜知府。對曰。臣有布政才。以下官不能也。辭弗就。宋景濂以詩贈其行。

鄭彥淵謚

鄭謚。字彥淵。金華人。晦迹衡門。不求聲譽。攻陰陽曆數之書。嘗註郭璞葬書。以爲獨詣。後聞其友葉儀。范祖幹之論。方知正學。刻苦研窮。晝夜不輟。有心學圖說。蘓伯衡。胡平仲爲之序。

明 共四十八人

陳子才

陳子才海鹽人。生而神俊，喜讀書，凡五經六藝諸子百家，無不通解。尤善丹青，點染自娛，不輕爲人。下筆當元末兵亂，隱居不仕。日焚香靜默，獨觀元化。洪武初，下詔以人才徵，弗就。有司爲之勸駕，卒不起。或問之，笑而不答。年四十歲旦，忽命童子折梅花一枝，侍於側，自繪其像，形神宛然。閣筆端坐而逝。

施德華

施德華烏程人。性樸素能詩。洪武中有司以明經累薦。不就。結屋數楹於郡城南。自號城南小隱。

呂宗學九成

呂九成字宗學。與兄不用九思齊名。時稱新昌三彥。自以宋室世臣。不肯仕元。兩兄倜儻有才氣。而九成澹泊雅循。時時誦說溫公晦庵之書。言動由禮。不與時移易。其後兩兄以徵辟仕本朝。九成竟隱約終身。絃歌自適。欣如也。同宗子弟咸敬事九成。如嚴師。嘗戒子弟勿游市井。曰。此最壞人心術。後百餘年。天水胡纘宗行部至。

新昌乃爲九成勒石題曰逸民之碑

薛原禮敬

薛敬字原禮鄞人宋進士朋龜九世孫也容儀魁岸稽古好修嘗典教象山秩滿調鄞時元政不綱退隱於鄉以醫術自晦國朝公卿大夫凡蒞茲土者聞其賢必虛左以迎訪問時事生民利病言之詳懇而未嘗及私公卿大夫皆嚴重之以爲碩德之隱

汪師道與立

汪與立字師道金華人受業於范祖幹其德行與何壽

朋齊名而文學稍優嘗謂學者當視古人爲不足毋視
今人爲有餘人以爲名言隱身教授不干聲譽優游林
泉以高壽終

胡仲厚敦

胡敦字仲厚鄞人家世業儒潛心經史得其指歸與後
學講說懇懇不倦晨夕衣冠如對大賓雖童稚必束帶
見之人有過未嘗發諸口每芳辰勝旦衣冠高會賡唱
迭和若與世相忘旁精醫卜而尤工寫山水人物頗自
秘惜非其人雖授以重幣弗屑也輕財重義人甚高之

夏義甫

夏義甫，鄞南人。少以孝行稱。博學好古。值勝國兵亂，築室天目山，杜門避影者四十餘年。與張羽、劉佐、周倬、沈貫諸君子相為師友。每有得，輒為吟嘯。又善畫，今傳於世者。天目山房圖，蓋其得意筆也。

楊大本立

楊立，字大本，諸暨人。性孤介，言行無偽。嘗結廬祖墓，課農圃，善吟咏，非其力之所出，不衣不食也。時人稱古逸民，著有蝸鳴藁。

少微山人陳德詢

陳德詢、松陽人、博通經史、雅志高尚、獨立不羣、性喜吟
尤好山水、每逢勝處、輒延佇遐想、思入風雲、題咏務求
奇絕、一時名士、多推下之、益以詩自豪、賦薄軒冕、屢聘
不起、自稱少微山人、所著有少微集、蓋少微乃括蒼星
次處士淵藪、其所號著、殆有託而逃云、

董宗楚荆

董荆、字宗楚、新昌人、曾之子也、博學好古、長於詩文、尤
善畫、每含毫吮墨、以寫其遠意、國初隱居不仕、洪武十

七年舉博學宏詞。上親問治道，稱旨，授縣丞，辭不就。終老於家，所著有翠微漫稿。

紫芝老人俞子中和

俞和字子中，杭人，號紫芝生，隱居不仕，能詩，喜書翰。早年得見趙松雪運筆之法，臨晉唐諸帖，遂能入神行草。摸松雪得其骨力，高處咄咄逼真。暮年更號紫芝老人，不復執筆，以故傳世絕少。

竹溪逸民陳澗

陳澗，烏傷人，幼治經，長編百家言，爲文喜馳騁，意功名。

可以赤手取。一旦忽弃去冠青霞冠。披白鹿裘。不復與
塵事接。所居近大溪。篁竹脩飭。然每當水月爭豔時。輒
腰短簫。乘小艇。蕩漾空明中。簫聲挾秋風。爲豪直入無
際。宛轉若龍鳴。深泓絕可聽。簫已扣舷而歌曰。吹玉簫
兮弄明月。明月照兮頭。成雪頭。成雪兮。將奈何。白鷗起
兮衝素波。望兒之者。以爲謫仙人。時澗已五十。益恬淡
無所慕。間私語其友曰。吾於世味愈孤矣。將漁於山。樵
於水。其友以爲誕。澗曰。樵於水。意不在蘇。漁於山。意不
在魚。是無所利也。無所利則樂矣。君子以其言近道。相

與敘而傳之稱竹溪逸民云。

歸全先生何德齡壽朋

何壽朋字德齡金華人受學於葉儀窮理守道隱居教授一介不以干人洪武初舉孝廉以二親俱老辭父歿舍所居宅易地葬焉學者因其自號歸全咸稱曰歸全先生。

烏性善本良

烏本良字性善慈谿人幼與弟斯道同席研書樂潛味通父歿儲無甌石舌耕養母時斯道方弱冠而二季三

妹皆在齠髻，仰賴不足。遂教授錢塘，以自資。時大家有欲以女妻之者，本良力辭曰：「此來爲母與弟妹衣食計耳，所願未遂，何暇言婚？」後撫二季稍長，畢嫁諸妹。然後娶。一日得慈湖楊文元公遺書讀之，自謂如坐春風中。遂以春風名齋。終其身抱德於潛，而窮經以老。卽古之孝弟力田者，何以加焉？堯堯弗貴論者惜之。

孫蔗田 包太白附

孫蔗田不知何名，錢塘人，隱於西溪，不受徵聘，以詩文自娛樂。所著曰《蔗田集》，與同邑包太白名行相參。時人

目爲西漢二隱

王復初紹原

王紹原字復初山陰人自幼嗜學治毛詩刻意吟咏伯仲五人值元季兵亂家盡毀紹原偕諸弟攻苦食淡恬如也及海內旣平於舍傍闢一軒扁曰耕讀與常所往來者觸咏其中灑然免於世累所著有耕讀集行於世

灌園生潘特雍

潘特雍錢塘人性簡淡力學隱居郡城之東自號灌園生詩多奇譎字亦道勁爲徐大章賦獨樹軒詩膾炙人

趙廷堅檜

趙檜字廷堅江山人性聰敏負氣節博學能文少孤母
周嘗弗釵遣就學於百里之外既歸母流涕語檜曰吾
始可見若父於地下矣隱名養母終身不仕有一齋集
十二卷藏於家

香雪披老人王用賢觚

王觚字用賢鄞人貌清而癯性溫而厲讀古人書以自
淑嘗慕宋廣平林和靖之風植梅庭下雖凝陰沍寒焚

香默坐對之不去自號香雪坡老人先游錢塘無識者
題詩城隍廟壁曰行盡錢塘數十家無人爲我煮新茶
一襟清思難消遣嘔出曾中萬斛花由是人競延請拂
衣而歸

文莊先生胡希華榮

胡榮字希華婺之湯溪人居家孝友名動鄉閭蒐獵育
家旁通九熟鶉居鵠飲超然獨立於塵壒之表守令高
其行每遇車過之踰垣不見年七十以疾終門人私謚
爲文莊先生所著有澱洲漁唱集

王志道達

王達字志道錢塘人。是一家貧賣藥博究子史百家。客至輒談今古。衮衮不休。人知其辨博。每以疑事質之。應答如響。所著有蘭楚集。

陳光大棉

陳棉字光大慈谿人。丰儀如玉。衣冠灑然。讀書過目不忘。旁通曆數之學。洪武中有司累薦不起。晦迹林下。畜雞豚。藝果蔬。釀林爲酒。時與賓客昆弟酣歌笑詠。傲視乾坤。同里余處道邑令。余瑄。薦其行強之仕。辭疾弗就。

皆稱高尚

陳孟熙雍 鄭壁夏誠附

陳雍字孟熙仁和人父士寧涉獵書史與同邑鄭壁夏
誠莫逆交並不事榮利日爲湖山游又皆畜古法書各
畫彝器之屬時時過從品鑒相賞士寧與壁母皆年高
在堂造必升堂謁拜如斯生母歿互爲服總三人交義
風動一鄉壁之子孫誠之子皆登進士惟雍樂志幽隱
縣大夫兩以明經舉皆不就世居鹽橋厭其囂塵徙遷
北獨山之巖事畊釣若將終身焉年四十二卒無子

人多惜之。雍家素裕，無他兄弟，士寧獨教之。篤自幼通五經，而尤長於易。爲文不構思，頃刻滿紙。爲詩亦豐腴可喜，以學贍氣克故也。父子俱葬獨山人，稱口世隱。

迂叟金宗實華

金華，字宗實，鄞人。洪武間，從戍燕山，值文皇靖內難，守通州有功，召見。時弟忠以近幸，授兵部尚書。上欲推恩與華，辭不就。賜歸，徙東湖韓嶺，居焉。足不履城府，日坐斗室，耽玩經史，朱墨不去手。朋從往來，以詩酒爲樂。與至，則泛舟湖上，吟風弄月，竟夕而還。後尚書迎養於

金臺官舍未浹旬。謂曰萬鍾之富。其如我湖山樂何。遂拂衣歸。永樂乙未。尚書卒。復召見。賜白金文綺。華伏闕謝曰。臣布衣野人。不敢用此。上稱爲迂叟。一日讀宋鑑。至王倫秦檜事。撫掌發歎。脫履而逝。人稱爲白雲先生。

胡寶之拱壁

胡拱壁。字寶之。淳安人。天性孝友。穎敏好學。經史諸子。百家皆通。其大旨恬澹閒雅。不以事物經心。兄莊懿公。既貴。纈帑。晦愈深。足跡不履公府。邑行新飲。雖加賓禮。

終不能致家居惟讀書吟咏或寫蘭竹魚鳥以寄意六十年餘不變所守鄉縉紳先生論其人品以爲可方古之逸民所著有更拙稿陶情稿藏於家

南園居士沈昌甫啓隆

沈啓隆字昌甫其父漁隱公居吳興勝國之季一旦弃妻子逃之五湖隆遂徙嘉興郡城之東水南有園日吟嘯其中自號南園居士後徙思賢鄉叔子禮仍處舊廬構有草亭玉峯夏太常景圖其亭勝并顏東郭草堂四字鑄二石以傳

向永脩道淳

向道淳字永脩慈谿人幼傳家學得慈湖寶峯之宗架
棟遺文多宋僕射薌林舊籍精研博采反求於心卓有
匡濟天下之志及父朴死靖難哀衣冠葬陽嘉山手樹
松楸洒泣輒枯遂弃科舉業杜門教授事母徐極盡誠
孝與顧慤爲忘年友慤被召顯榮欲與彙征淳笑不應
州邑重其孝隱薦辟交至竟稱痼疾不起

懶仙賈必明愚

賈愚字必明杭人少以周易爲郡博士弟子員試藝屢

納遂弃去。因自號懶仙。布衣簞屨。儻然自得。日旁搜博采。求古人之所用心。寄興風月。放懷山水。其於末俗紛華聲利。汨如也。居家孝友。尤精翰墨。得其片紙者。居如奇貨。蘊德弗施。論者惜之。

周益衰陞

周陞字益衰。慈谿人。爲人介特。隱居不仕。家居市廛。一室如舟。所儲書史外。無他長物。因號書舫齋。爲詩詞格調高古。不類時人。每酒酣擊節歌陶淵明詩。四顧慷慨。旁若無人。

章克平德

章德字克平會稽人性孝友博學工詩宣德間兩徵不起風節凜然爲世所推魏文靖銘其墓曰隱遯不汙南村一人而已

溪雲先生錢珏

錢珏慈谿人古道自力不慕榮名雖獨處燕居不廢冠屨遇天日晴美輒游里閭間步履有循而儀觀整肅不問皆知其爲溪雲先生也性好吟咏口吃若不能言至其爲詩清麗雄渾得少陵家法有和唐青溪雲稿行世

朱從儒

朱從儒嘉興人初從羽士沈醇老莊已復潛心周孔爲
博士弟子尋弃去崑居川觀或游戲筆墨間摹山水花
草人物皆入神品爲人豪宕睥睨塵世滑稽似東方朔
志慮似郭有道高潔似徐孺子或謂其有簡道玩世風

吳琬

吳琬長興人勵志讀書不屑舉業築室董塢山與安仁
劉麟金陵龍覓關西孫一元歸安陸崑結社湖南稱吳
興五隱郡守劉天和每有請贖必遣其處琬精邵子皇

極數博極羣書所著有三才廣志三節卷史類六百卷
藏於家

胡用良禎

胡禎字用良新昌人甘貧慕古絕跡城市士大夫聞其名或造廬見之結草亭於宅外聚古今圖籍終日吟詠其中不慕仕進所著有草堂愚謔諸書古淡平實有闕世教與江浦莊景嘉禾呂原以詩文友善景嘗寄以詩云聖主任奴自古容溪山此意便無寐誰知宇宙千年病我與先生一樣風越水以東唯剡曲子陵而下幾漁

翁閒忙莫問今誰是時止時行道只同其見許如此。

袁良賁仁

袁仁字良賁嘉善人父祥祖顯皆有經濟實學至仁愈
遠天文地理曆律書數兵法水利之屬靡不熟諳謂醫
賤業可以藏身濟人遂寓意於醫崑山魏校疾召仁使
者三至弗往謝曰君以心疾召當攻阻仁義炮治禮樂
以暢君之精神不然雖十至弗來也校疾愈訪仁與語
三日大驚遂定交焉顯嘗作春秋傳三十卷祥作春秋
成問八卷以養其孝仁復測世儒溺胡而弗信也作鐵

胡編以闡之爲文根本六藝片詞尺牘率開世教詩妻
然通唐亦浴更衣生正寢呼筆題詩有附贅乾
坤七十年飄然今喜謝塵緣之句投筆而逝

岑子英俊

岑俊字子英慈谿人隱居雲崑學通經史工草隸詩遍
漢晉嘗校業吳典有錢氏子負所寄一無所讀由是人
目爲長者正統間舉經明行修以親老彛平生悃惓無
華口未嘗言人過至治家喪葬一以禮年九十疾革猶
與客誦所評魯男子詩云雨崩隣嬾屋風裂夜雞禁閉

戶却逃難全無惻隱心語畢奄逝

許半圭瑋

許瑋字半圭上虞人淳質苦行潛心性命之學嘗躡蹻走嶺南訪陳白沙先生其友王轅以詩送之曰去歲逢黃石今年訪白沙王文成初養疴陽明洞唯與瑋及王轅輩一二山人兀坐終日共參道妙互有資益其後擒逆濠成功歸每乘筍輿訪瑋山中菜羹麥飯信宿不厭瑋歿文成爲題其墓曰處士許瑋之墓瑋於天文地理及孫吳韜略奇門九通之術靡不精究正德中與文成

游嘗西指曰帝星今在楚數年後君當事之已而
廟龍飛興邸其占多奇中類如此

寒溪子方元素太古

方太古字元素金華人少警敏博學能詩有聲縉紳間
居女埠溪上自號曰寒溪子性好游放舟三吳中與姑
蘓楊循吉都穆文徵明相唱和已而入武夷稱魯孫謁
天姥登九鯉湖尋九何君煉丹處復歷探匡廬九華句
曲林陵諸名勝以山水之奇供其揮灑而詩益工晚好
黃白術歸隱金華解石山中不入俗者才餘年老乃返

寒溪故居其詩頗似郊島大幸感時憤俗之意爲多所
著有寒溪集藏於家

峴巖道人王貞翁堃

女藥屏附

王堃字貞翁山陰人生有異稟家貧肆力經史絕意仕
進築室卧龍山南教授自給守介而氣和鄉人士雅慕
重之郡守洪珠屢造其廬扁其堂曰逸士晚歲喜讀易
習養生夷猶山水間自號峴巖道人壘石爲生壙於亭
山之麓題曰小芙蓉城爲詩冲澹自得書法通趙吳與
所著周易衍義峴巖詩集餘多不載堃無子有女曰藥

屏少寡。依父以居。女紅精巧。每有所製。人爭購之。以自給。能詩。然不多作。孀居十餘年。先父歿。歿而檢箚中得詩數十首。每焚香誦經。有詩云。禮佛焚香易。修行定性難。古來成道者。心肺鐵般般。葬小芙蓉城側。鄉人題曰節婦王藥屏墓。塋歿。鄉人思之。請於郡守梅守德。卽故居立石曰王隱士里。

王時雨澍

王澍字時雨。錢塘人。性高亢。不諧於俗。讀古史諸書。爲詩多獨創語。寄興山水。自號山人。人亦以山人稱之。貧。

鮮滄石儲而意常豁如一介不苟取高談論世自比英傑與士夫鼎貴者游口未嘗言貧終身無所干請人以是益賢山人先是客游京師與胡端敏同還至滄州遇賊劉六等數萬人圍其城數日不解山人爲州將畫方略賊卽遁去端敏大奇之欲薦之朝山人力辭卒以布褐終其身

李文正端

孫循義附

李端字文正鄞人天性恬澹不嗜名利隱居畊讀以吟詠自娛與金太僕澆倪處士光魏學博偕締爲詩社東

夷貢使歸乞詩爲贈有肩擔雲影江頭朔衣帶天香海上還之句夷人傳誦以爲不減主右丞孫循義舉嘉靖癸未進士爲諸生時屢不得志於有司上書自陳主司大怒欲加譴乃試以滄海遺珠賦卞和泣玉論蓋窘之也總義應命而成文不加點竒詞與義讀者每不能句遂以才名聞天下

王濬濟漳

王濬字本澄錢塘人幼嗜學從王伯安先生講道稽山獲聞良知之旨攻苦力學而性好游慕司馬子長之爲

入。屢。齊。魯。燕。趙。登。泰。山。覽。日。觀。西。望。太。行。薄。游。都。關。地。
海。而。南。遵。吳。適。越。東。下。武。昌。訪。竹。樓。赤。壁。之。勝。一。以。山。
水。之。奇。發。之。筆。墨。間。點。染。吟。詠。率。多。奇。致。其。過。太。行。詩。
有。客。中。秋。過。半。山。外。曹。全。分。之。句。勤。著。述。於。陰。符。經。程。
張。諸。書。皆。有。補。註。抗。志。風。塵。耻。與。時。俯。仰。終。身。不。求。榮。
利。日。以。登。涉。自。娛。嘗。自。品。曰。亂。山。秋。寺。孤。燭。苦。吟。平。生。
滋。味。也。嶺。猿。江。鳥。冷。荇。幽。蘭。平。生。朋。好。也。老。牛。負。載。跛。
鯨。蹠。蹠。平。生。技。能。也。黍。離。麥。秀。吊。古。懷。賢。平。生。寄。託。也。
濁。酒。一。壺。南。華。一。卷。平。生。心。知。也。雲。停。春。渚。月。滿。秋。空。

平生意態也。卽此數言，可以想見其標韻。

楊汝鳴珂

楊珂字汝鳴，餘姚人。始爲諸生，稱祭酒。已從王文成游，稍厭薄時執會沙汰例，嚴督學使者檢察過當。珂歎曰：是豈待士者哉！遂拂衣歸隱，居秘園山，養母以孝聞。耕粟屢空，晏如也。爲詩澹洒，不羣書得晉人運筆法，而自成一家。晚歲益夷曠，飲酒浩歌，終日不亂。遠近咸愛敬之。

李元昭用雅

李元昭字用晦杭州右衛世爵千戶侯也少尚節俠好遊治日與里中諸少年呼盧蹴鞠臂鷹走狗以爲樂年二十六始折節讀書咀嚼墳典至忘寢食欲手拾青紫以一洗世弁之陋顧才適命塞屢試不售不得已始襲祖爵顧視堯登如積穢在首心弗善也遂弃去避居靈隱寺之西澗築一室如斗引澗水環於席下蒼松翠竹周廻籬壁間人跡旣絕唯有泉鳴鳥啼與書聲相爲和答興至攬筆按爲韻語神與境會言言逼真久之機融趣淡工深力到直闔漢魏之藩而窺其室六朝以下不

層形之筆底。一日忽自歎曰。古之善詩者。莫不浪跡寰中。遊神物表。故能目通萬里。思接千古。今方爲醜雞。鵲。而欲與垂雲之翼。撐日之髻。料天地江海之高深。恐可得哉。遂以六尺筇。挑雙不借拂衣。出門由徑山。登兩天目。入黃山。白嶽。觀所謂天子障者。度天台。石梁。至於雁宕。上武夷。登幔亭。求魯孫故燕處。躡香爐峯頂。含瀑布泉。而漱之。日月俱淨。遂由九華。抵秦嶽。登日觀。觀日出。赤光蕩昱。如金之在鎔。遂走燕雲。歷九邊。倚筇長嘯。驚沙欲飛。益覺無劍者之爲陋。於是廻登嵩嶽。掃捷徑。

於終南西陟華山採蓮花於玉井極於南服衡嶽爲最
探齊雲之梅榔撫洞庭之湘竹順流揚舲艤於赤壁求
折戟於沉沙覺曹瞞之膽猶然欲墜凡高高下下巔巔
所觸無不筆之爲詩奚囊俱滿遊總八年而後歸故隱
復自歎曰詩之爲道不凌高則氣不暢不極隱則思不
幽凌高極隱已而不言志則辭亦不達予志在五嶽五
嶽莫勝於衡山而予南服之民也蓋嘗夢寐朱陵而徘徊
紫蓋矣因自號曰岫嶺山人山人旣歸詩名逾重四方
名流韻士過武林而不一見李山人如浮洞庭不嘗

橋也。然山人亦不厭客。煮茗焚香。終日清言不倦。客或
一言及俗。輒起擊石磬數聲。以代清耳。富道慕其名者。
或鳴騶相過。卽捷戶不納。葛巾野服。輒欣然相對。晚結
西湖詩社。操觚之士。以不與爲耻。山人四十一掛冠而
隱。隱十年而雲游。雲游八年而還。故山復高卧二十餘
年。而後死。人以爲蟬蛻云。所著有雲遊稿。農唱集。若干
卷。行於世。

天隱道士邵汝宣穆生

道士名穆生。姓邵氏。一名重生。字汝宣。仁和人。比部員

外郎經邦之仲子。生而負奇骨相。磊落音吐弘亮。少爲諸生。不屑科舉。比耦之學。年三十餘。卽屏居靈鷲山之呼猿洞。手鑿岩岫。得勝處。卽取材於山。營構軒閣。不用梓人而曲者中鈎。直者中繩。員者中規。方者中矩。榱桷椽杙。無不合作者。四圍皆茂林修竹。復於隙地。雜藝花藥。杞菊。曉起手自斟。漙欣然自得。曰。此吾山中良友也。所貯書。自六經二十一史而下。多古文奇字。玄筌秘笈之文。晨昏披覽。足不入城市者四十餘年。性孤僻高簡。對俗子如仇。未嘗輕假色笑。而俗子亦詫遠之。當道有

耳其名者多鳴笳過之輒踰垣遞去至毀薪柝屋終不與一接惟是高僧韻士酒徒墨卿扣扉卽啟筵鐘卽答與至卽浮白長嘯與哀猿警雀相唱和終日夜不勌也客或言猥俗卽揮杯塞其口或言忠孝大節及人間不平事則慷慨而起若不惜以身殉者尤好山水遊凡杖屨所及輒以筆貌之丘壑竒遠烟雲變幻未嘗襲古人一筆然無一筆不自古人中來重自珍惜不肯爲人作以是傳世者絕少詩稱唐而不模擬唐格遑遑自快胸臆類李長吉然亦無意也生平寡嗜欲簡言語其潛修

容証人多不能窺其微獨見其晝夜跌坐脅不抵席者
二十五年癸巳四月忽勒弭於石曰某年某月某日某
人試天劍於此至丁巳三月忽倒身臥胸突生一骨痛
不可忍卽猛然省跌坐如昨而痛骨立消於是召子干
巖來命之曰速爲我治愈我死踰月卽葬於此山之巔
冢上置塔塔覆以亭毋他易遂卒年八十有一未歿之
前三日斷穀食飲水四五斗遷若樓下危坐靜存端寂
而逝目將瞑一僧欲焚香唱佛爲導師忽張目大喝曰
義文孔子吾師也佛吾友也吾不念佛其定力堅毅有

如此所著有說林函七部山中甲子陰符黃庭經註各
數十卷虞楚孺克坐題其塔曰天德道士邵汝宜之藏
室而黃貞父先生爲之銘略曰承養文師爲巢許隣百
家二氏或友或臣蟬蛻塵埃四十餘春高卧青山逍遙
玄津巍然一壻身隱道伸我銘爾式千載若新

兩新名賢錄卷之四十四終